

CONVENIO ENTRE A CONSELLERÍA DE CULTURA, LINGUA E XUVENTUDE DA XUNTA DE GALICIA E CONTEMPORÁNEA - ASOCIACIÓN DE GALERÍAS DE ARTE CONTEMPORÁNEA DE GALICIA - PARA A PROGRAMACIÓN EXPOSITIVA DE ARTE CONTEMPORÁNEA, DISTRIBUÍDAS EN DIFERENTES CIDADES DE GALICIA E ACTIVIDADES PROMOVIDAS POLA PROPIA ASOCIACIÓN

Dunha parte, José Carlos López Campos, na súa condición de conselleiro de Cultura, Lingua e Xuventude, en virtude do seu nomeamento mediante o Decreto 44/2024, do 14 de abril, no exercicio das atribucións que lle confire o artigo 34 da Lei 1/1983, do 22 de febreiro, reguladora da Xunta e a súa Presidencia.

Doutra, María Luisa Pita Díaz, NIF 32643736C, na súa condición de presidenta de Contemporánea - Asociación de Galerías de Arte Contemporánea de Galicia - CIF G70593108, actuando en nome e representación da entidade, segundo as facultades que lle outorgan os seus estatutos.

Interveñen en función dos seus respectivos cargos e no exercicio das súas facultades que para convir no nome das entidades que representan teñen conferidas, e,

EXPOÑEN:

Que as dúas entidades son conscientes da necesidade de actuacións de carácter sociocultural que permitan unha adecuada oferta, co obxecto de satisfacer as necesidades en materia cultural.

Que a Xunta de Galicia ten atribuídas funcións en materia de fomento da cultura, de acordo co establecido no artigo 27.19º do Estatuto de Autonomía, en consonancia co estipulado no artigo 148.1º.17ª da Constitución Española. Dentro dese ámbito competencial, a Consellería de Cultura, Lingua e Xuventude desenvolve unha serie de actuacións encamiñadas á divulgación, información e promoción da cultura, para achegar o máximo posible o noso patrimonio cultural á sociedade en xeral.

A Consellería de Cultura, Lingua e Xuventude quere acometer a realización de actividades de promoción e divulgación do patrimonio e da cultura galega; mediante a programación de actuacións de recuperación da nosa cultura preténdese acadar unha maior eficacia na consecución destes obxectivos, por medio do desenvolvemento de actividades culturais e de fomento da cultura en lingua galega.

Con este convenio asegúrase a realización de diversas manifestacións da cultura galega levadas a cabo por entidades que a queren dar a coñecer, mediante a súa promoción dentro é fora do noso país, coa organización de actividades que permitan un maior coñecemento dela.



Contemporánea, Asociación de Galerías de Arte Contemporánea de Galicia, é unha entidade sen fin de lucro, cuxos fins principais son:

- A difusión, promoción, apoio e defensa da arte contemporánea
- Promover a internacionalización das galerías asociadas e dos seus artistas
- Contribuír a dinamizar o sector da arte, captar novos públicos e fomentar o coleccionismo, a través da organización de obradoiros, encontros con artistas, exposicións organizadas de forma conxunta polos asociados, conferencias, visitas guiadas...

Contemporánea, Asociación de Galerías de Arte Contemporánea de Galicia, ten previsto a programación expositiva de arte contemporánea nas diferentes sedes das galerías de arte asociadas a CONTEMPORÁNEA, distribuídas en diferentes cidades de Galicia, así como as actividades promovidas pola propia asociación co obxectivo de dar visibilidade e poñer en valor a importante aportación das galerías de arte á cultura do noso país.

Por isto, para acadar unha maior eficacia na execución de actuacións, dado o interese común das partes asinantes, que teñen intereses coincidentes, é polo que asinan este convenio de colaboración, de acordo coas seguintes,

CLÁUSULAS

PRIMEIRA.- Obxecto e actuacións

O convenio ten por obxecto establecer as condicións polas que se rexerá a colaboración entre a Consellería de Cultura, Lingua e Xuventude e Contemporánea, Asociación de Galerías de Arte Contemporánea de Galicia para a programación expositiva de arte contemporánea nas diferentes sedes das galerías de arte asociadas a CONTEMPORÁNEA, distribuídas en diferentes cidades de Galicia, así como as actividades promovidas pola propia asociación co obxectivo de dar visibilidade e poñer en valor a importante aportación das galerías de arte á cultura do noso país.

Programación prevista para 2025. Custo total: 65.000 €. Gastos de programación, produción e difusión necesarios para a posta en marcha de cada una das accións.

Contemporánea. Asociación de Galerías de Arte Contemporánea de Galicia

Conceptos	Custo
<ul style="list-style-type: none">• Comunicación e difusión ABERTO	10.00,00 €



Total	10.000,00 €
--------------	--------------------

Galería Dupla

Exposición
Nada Sucede dos veces. HÉCTOR FRANCESCH, MANNUEL MORANTA E MIGUEL AURIA
Lo que cabe en una almendra. LARA PINTOS
MARÍA HESSE
IVÁN PRIETO
SAMUEL SALCEDO
Colectiva con fondo de galería

Conceptos	Custo
Transporte de obras	500,00 €
Gastos de produción de exposicións	1.000,00 €
Materiais impresos, publicidade e comunicación	3.000,00 €
Viaxe e aloxamento do artista	500,00 €
Fotografías das obras e das exposicións	500,00 €
Total	5.500,00 €

Galería Nordés



Exposición
Brilla arenoso y dorado de CRISTINA MEJÍAS
Alguien nos entenderá cuando estemos muertos de CARLOS FERNÁNDEZ-PELLO
ROSENDO CID
CARTA BLANCA #4 (A CHELO MATESANZ)
PABLO BARREIRO
JULIA HIUETE

Conceptos	Custo
Transporte de obras	2.000,00 €
Viaxe e aloxamento artista	600,00 €
Gastos produción	1.500,00 €
Fotografías das obras e das exposicións	400,00 €
Materiais impresos, publicidade e comunicación	1.000,00 €
Total	5.500,00 €

Galería Metro

Exposición
Sugus de frambuesa en el paladar_Lúa Gándara Sebas Anxo



O Tránsito imaxinado. Anabel Álvarez Goyanes

S/T. Guillermo Simón

S/T. Adrián García

S/T. Montse Rego

S/T. Jesús Chacón

Conceptos	Custo
Producción de exposicións	4.000,00 €
Transporte de obras	1.000,00 €
Materiais impresos, publicidade e comunicación	500,00 €
Total	5.500,00 €

Galería Luisa Pita

Exposición
En feminino de MARÍA ORTEGA ESTEPA, LEO WELLMAR, MARTINA RODRÍGUEZ MORÁN e LAURA NIETO
Timeless de LEO WELLMAR
S/T de JAMES MATHISON
ANTÓN PATIÑO
S/T de LAURA NIETO
S/T de SALUSTIANO
S/T ARTURO ÁLVAREZ



Conceptos	Custo
Transporte de obras	1.500,00 €
Honorarios de autores de textos	500,00 €
Promoción e publicidade	3.500,00 €
Total	5.500,00 €

Galería Néboa

Exposición
"Canción de río" de Marina González Guerreiro
"Subir ao ceo" de Alejandro Rego
Christian Villamide
Andrea Davila Rubio
Vicente Blanco
Vicente Carlota Pereiro

Conceptos	Custo
Transporte de obras	1.200,00 €
Gastos de produción e exposicións	2.250,00 €
Materiais impresos, publicidade e comunicación	340,00 €
Viaxe e aloxamento do artista	180,00 €
Fotografías das obras e das exposicións	120,00
Seguros das exposicións	490,00



Honorarios de comisariados	570,00 €
Viaxes de visitas e estudos de artistas	150,00
Cóctel inauguración	200,00
Total	5.500,00 €

Galería Trinta

Bosco Caride "Indicios"
Amaya Rodríguez Reyes
Berta Cáccamo
Xurxo Martiño
Alberto Ardid
Aniversario 40 anos galería Trinta

Conceptos	Custo
Transporte de obras	1.500,00 €
Viaxes e aloxamento do artista	1.000,00 €
Fotografías das obras e das exposicións	600,00
Gasto de produción das exposicións	2.000,00
Materiais impresos, publicidade e comunicación	400,00 €
Total	5.500,00 €

Galería Marisa Marimón



Exposición
Antonio Guerra
ALBA Cortés "Luar"
Diego Opazo "Una lejanía próxima"
Jonathan Notario
Ana de Lara

Conceptos	Custo
Transporte de obras	1.400,00 €
Viaxe e aloxamento artista	1.000,00 €
Gastos produción de exposicións	2.500,00 €
Materiais impresos publicidade e comunicación das exposicións	300,00 €
Fotografías das obras e das exposicións	300,00 €
Total	5.500,00 €

Galería PM8

Exposición
Elena Narbutaite - LE VISAGE
Gabriel Borba Filho, Algirdas Seskus & Gintautas Trimakas
PM8/Chico Salas en Sao Paulo, Brasil, proyecto en la galería MARTINS/MONTERO de Sao Paulo



Loreto Martínez Troncoso

Gediminas G.Akstinas

Concepto	Custo
Transporte de obras	800,00 €
Viaxe e aloxamento artista	600,00 €
Gastos produción /montaxe exposicións	700,00 €
Honorarios autores e tradución de textos	700,00 €
Viaxes de visitas a estudos de artistas	1.200,00 €
Materiais impresos, publicidade e comunicación	100,00
Fotografías das obras e das exposicións	300,00 €
Aluguer audiovisual	500,00 €
Inauguracións	300,00 €
Produción obra	300,00 €
Total	5.500,00 €

Galería Vilaseco

Exposición	Custo
La primavera silenciosa de CARLA SOUTO	



Múltiples II de LUÍS DIAZ DÍAZ e BERTA SALINAS	
La huella del tiempo de AMPARO DE LA SOTA	
EDUARDO MARTÍN DEL POZO	
NICO MUNUERA	
Total	5.500,00 €

Galería Moret Art

Exposición
Teresa Carneiro. "In / Out"
Conxunta: Cristina Moroño, Tatiana Blanqué, Inés Rubio Roa, Belén Gonzalo Arroyo. "Mater Natura"
Lino Lago
Leopoldo Novoa

Conceptos	Custo
Gastos de produción de exposicións	3.000,00 €
Materiais impresos, publicidade e comunicación	1.000,00 €
Acondicionamento das salas para exposicións	1.500,00 €
Total	5.500,00 €

A axuda irá destinaada a todos aqueles gastos de programación, produción e difusión necesarios para a posta en marcha de cada unha das accións.

Relación de gastos de produción e difusión das exposicións:

- Transporte de obras
- Viaxe e aloxamento artista



- Gastos produción obra: enmarcado, bastidores, fabricación de peanas ou outras estruturas, laboratorio fotográfico,... ou cualquier outro concepto relacionado coa necesidade do/a artista para materializar a nivel técnico as obras da exposición.
- Fotografías das obras e das exposicións
- Seguros das exposicións e seguros de transportes das obras
- Honorarios de comisariados e talleres de arte.
- Honorarios de autores de textos
- Aluguer equipos audiovisuais
- Acondicionamento das salas para exposición (pintura, pladur,...)
- Cóctel e/ou cea de inauguración.
- Materiais impresos publicidade e comunicación das exposicións
- Viaxes de visitas a estudos de artistas
- Comunicación e difusión ABERTO

De acordo co artigo 26 da Lei de Subvencións non é posible promover a concorrência pública para a realización destas actividades, por canto se trata de actividades únicas e de especiais características, por todo o que representan estas exposicións na cultura de Galicia, e a Asociación de Galerías de Arte Contemporánea de Galicia, que aglutina a maior parte das Galerías de Arte Galegas.

Por todo o anterior é a Asociación de Galerías de Arte Contemporánea de Galicia a que posúe a especificidade como beneficiaria así como a da actuación subvencionada e o interese social da axuda concedida.

Así mesmo e de acordo coa planificación estratéxica realizada pola Dirección Xeral de Cultura para o ano 2025, e dada a especificidade e exclusividade das actividades a realizar baseadas en criterios obxectivos, a sinatura deste convenio encádrase dentro dos previstos nese plan.

SEGUNDA.- Obrigas da Asociación de Galerías de Arte Contemporánea de Galicia

A Asociación de Galerías de Arte Contemporánea de Galicia comprométese, pola súa parte, a facer constar en toda a publicidade que xeren estas actividades –tanto impresa como audiovisual– a colaboración da Xunta de Galicia, para o que utilizará a normativa da imaxe corporativa da Xunta de Galicia. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación



o establecido no Decreto 11/2009, do 8 de xaneiro, en canto non se opoña á lexislación anterior. Con carácter supletorio, será de aplicación o disposto na Lei 38/2003 xeral de subvencións e no seu regulamento, aprobado polo Real Decreto 887/2006, do 21 de xullo.

A Asociación deberá dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións.

A Asociación ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas.

A Asociación deberá presentar certificacións acreditativas do cumprimento das obrigas tributarias, coa Seguridade Social e de non ter pendente de pagamento débedas coa Administración pública da comunidade autónoma.

A sinatura deste convenio implica, de ser o caso, a autorización á Consellería de Cultura, Lingua e Xuventude para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido no Regulamento (UE) 2016/679 de protección de datos, na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

De acordo co artigo 10 da Lei 9/2007, do 13 de xuño, a Asociación deberá presentar unha declaración responsable de non estar incurso en ningunha das prohibicións para obter a condición de beneficiaria. Esta declaración deberá presentarse antes da sinatura do convenio.

A Asociación comprométese a destinar os fondos percibidos ao obxecto concreto para o que foron concedidos. A Consellería de Cultura, Lingua e Xuventude poderá comprobar, cando o considere pertinente, a execución das actividades obxecto deste convenio.

TERCEIRA.- Aplicación Réxime de Mínimis.

Esta axuda queda sometida ao réxime de mínimis, nos termos establecidos no Regulamento (UE) núm. 2023/2831 da Comisión, de 13 de decembro de 2023, relativo á aplicación dos artigos 107 e 108 do Tratado de funcionamento da Unión Europea ás axudas de minimis (DOUE- L- 2023-81820, de 15 de decembro).



a) A axuda total de mínimos concedida a unha empresa determinada, en virtude da aplicación do artigo 3.2 do Regulamento (UE) 2023/2831, non pode ser superior a 300.000 € durante o período dos tres anos previos.

Este límite máximo aplícase a todo o conxunto de axudas recibidas en concepto de mínimos pola empresa, independentemente da forma en que se outorguen ou do obxectivo perseguido.

b) A Asociación, antes da concesión da axuda, deberá presentar unha declaración responsable sobre calquera outra axuda de mínimos recibida durante os tres anos previos.

c) A Consellería informará por escrito ao beneficiario sobre o importe da axuda e sobre o seu carácter de mínimos, facendo unha referencia expresa ao Regulamento (UE) 2023/2831 da Comisión, do 13 de decembro de 2023, relativo á aplicación dos artigos 107 e 108 do Tratado de Funcionamento da Unión Europea ás axudas de mínimos (DOUE 13.12.2023 SerieL).

d) As entidades outorgantes das axudas deben respectar o ámbito de aplicación do devandito Regulamento e quedan sometidas aos procedementos de control e polos períodos de tempo establecido para este réxime de mínimos. Ademais deberán consignar a información sinalada no artigo 6.1 do Regulamento (UE) 2023/2831 na Base de Datos Nacional de Subvencións no prazo de 20 días hábiles a partir da concesión da axuda.

CUARTA.- Financiamento e compatibilidade

A Consellería de Cultura, Lingua e Xuventude comprométese a aboar a cantidade de 65.000 €, con cargo á aplicación orzamentaria 13.03.432B.781.1, dos orzamentos xerais da Comunidade Autónoma de Galicia para o ano 2025, código de proxecto 2015 00372.

Esta cantidade, 65.000 €, trátase dun importe certo, quedando por conta da beneficiaria a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

Non se entenderá incumplida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado na cláusula primeira, cando obedezan a razóns xustificadas e as actuacións que se levaran a cabo garden relación directa co obxecto do presente convenio.



Conforme o disposto no artigo 40.1.d) do Regulamento da Lei de subvencións de Galicia, a achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea e/ou organismos internacionais.

De conformidade co artigo 17.3 da Lei 9/2007, do 13 de xuño, o importe da subvención en ningún caso poderá ser de tal contía que, illadamente ou en concorrancia con outras subvencións, axudas, ingresos ou recursos, supere o custe da actividade subvencionada. En caso de superar procederá o reintegro do exceso obtido sobre o custo da actividade subvencionada así como a esixencia do xuro de demora correspondente.

QUINTA.- Xustificación dos gastos e pagamento

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007. A data tope de presentación da documentación xustificativa da actividade e, se fora o caso, da xustificación dos gastos que restasen por aboar ata acadar o 100% da contía concedida é o 20 de decembro de 2025.

A documentación requirida na fase xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>.

A Asociación presentará electronicamente a xustificación da subvención, coa data límite establecida e incluirá a seguinte documentación:

- Unha memoria de actuación xustificativa do cumprimento das condicións obxecto deste convenio, con indicación das actuacións realizadas e dos resultados obtidos. Indicar o número de asistentes.
- Unha memoria económica xustificativa do custo das actuacións realizadas que conterá:
 - ✓ Unha relación clasificada dos gastos da actuación, con identificación do acredor, do importe, data de emisión e data de pagamento. Deberá figurar a suma de cada concepto e ao final, o total dos gastos.
 - ✓ As facturas ou documentos de valor probatorio equivalente incorporados na relación a que se fai referencia no parágrafo anterior e a documentación acreditativa do pagamento.
- Unha relación detallada, se é o caso, doutros ingresos ou subvencións que financiasen a actividade subvencionada con indicación do importe e a súa



procedencia. No caso de non ter solicitado e/ou non ter recibido outros ingresos ou subvencións que financiasen a actividade subvencionada, deberán de presentar unha declaración responsable neste sentido.

- Os tributos son gastos subvencionables cando o beneficiario da subvención os abone efectivamente. En ningún caso se consideran gastos subvencionables os impostos indirectos cando sexan susceptibles de recuperación ou compensación, nin os impostos persoais sobre a renda. Na xustificación deberase indicar si son ou non susceptibles de recuperación.

A presentación desta información é requisito imprescindible para a tramitación do pagamento, devolvendo toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia. Cando o importe do gasto subvencionable supere as contías establecidas na Lei de contratos do sector público, para o contrato menor, o beneficiario deberá solicitar como mínimo tres ofertas de diferentes provedores, con carácter previo á contratación do compromiso para a obra, a prestación do servizo ou a entrega do ben, salvo que polas súas especiais características non exista no mercado suficiente número de entidades que as realicen, presten ou subministren ou salvo que o gasto se realizara con anterioridade á solicitude da subvención.

Subcontratación:

Poderán ser obxecto de subcontratación, total ou parcial, as actividades subvencionadas a través deste convenio, tendo en conta o disposto nesta cláusula e de acordo co establecido no artigo 27 da Lei 9/2007, do 13 de xuño, de subvencións de Galicia. En todo caso queda fóra da subcontratación aqueles gastos nos que teña que incurrir a entidade para a realización por si mesma da actividade subvencionada.

De conformidade co previsto na Lei 9/2007, de subvencións de Galicia, para efectos desta xustificación consideraranse os gastos realizados durante o ano 2025 dende o 1 de xaneiro ata a data tope de xustificación da axuda, que respondan á natureza da actividade subvencionada.

No caso de que a Asociación non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas.



A contía total das axudas de mínimos concedidas non poderá exceder de 300.000 € nun período de tres exercicios fiscais. Este umbral aplicarase independentemente da forma da axuda ou do obxectivo perseguido.

As axudas de mínimos non se acumularán con ningunha axuda estatal correspondente aos mesmos gastos subvencionables se dita acumulación da lugar a unha intensidade de axuda superior á establecida para as circunstancias concretas de cada caso pola normativa comunitaria.

SEXTA.- Pagamentos anticipados e á conta

A Asociación poderá solicitar pagamentos anticipados, por importe máximo de 18.000,00 €, que suporán entregas de fondos con carácter previo á xustificación, como financiamento necesario para levar a cabo as actuacións inherentes á subvención, de conformidade co disposto no artigo 63.1.2 do Regulamento da Lei 9/2007, do 13 de xuño, de subvencións de Galicia.

No caso de que a Asociación solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

A Asociación tamén poderá solicitar pagos á conta, artigo 62 do Regulamento de Subvencións, que responderán ao ritmo de execución das actividades subvencionadas aboándose pola contía equivalente á xustificación presentada.

O importe conxunto dos pagos á conta e dos pagos anticipados que se concedan non poderá exceder do importe máximo de 18.000 €.

O artigo 65.1 do Regulamento de subvencións de Galicia establece que os beneficiarios están obrigados á constitución de garantías cando se preveña a posibilidade de realizar pagamentos á conta ou anticipados; o artigo 65.4.i) recolle que quedarán exonerados da constitución de garantía os beneficiarios das subvencións concedidas cando os pagamentos non superen os 18.000 €.

SÉTIMA.- Comisión mixta de seguimento

Créase unha comisión mixta de seguimento para aclarar as dúbidas derivadas da interpretación e execución deste convenio, formada polo director xeral de Cultura, da Consellería de Cultura, Lingua e Xuventude e pola presidenta da Asociación de Galerías de Arte Contemporánea de Galicia .

OITAVA.- Causas de resolución e modificación do convenio

O incumprimento de calquera das cláusulas deste convenio constituirá causa suficiente para a súa rescisión, e así mesmo procederá o reintegro da subvención



cando concorra algunha das causas previstas no artigo 33 da Lei 9/2007, de 13 de xuño, de subvencións de Galicia.

As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.

Segundo o disposto no artigo 31.4 da Lei 14/2013, do 26 de decembro, de racionalización do sector público autonómico:

"Os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sostenibilidade e financeira.

Ditas modificacións terán por obxecto a redución do volume das obrigas ou a ampliación do seu prazo de execución."

NOVENA.- Publicidade e rexistro do convenio

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Asociación acepta e consente a remisión do convenio, logo da súa sinatura, ao Rexistro de Convenios da Xunta de Galicia.

A Base de datos Nacional de Subvencións operará como sistema nacional de publicidade de subvencións. A tales efectos débense ter en conta as obrigas recollidas nos artigos 18 e 20.8 da Lei 38/2003, do 17 de novembro, xeral de Subvencións.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

DÉCIMA.- Protección de datos de carácter persoal e garantía dos dereitos dixitais

As partes asinantes comprométese a cumprir, en todo momento, as disposicións contidas na normativa básica estatal e autonómica que xustifica a lexitimidade do tratamento dos datos persoais e dereitos dixitais.

Na aplicación deste convenio respectaranse cantas esixencias establece o Regulamento UE 679/2016 xeral de protección de datos e a Lei orgánica 3/2018, do 5 de decembro (BOE 06/12/2018) de protección de datos persoais e garantía dos dereitos dixitais, adoptando cantas medidas resulten necesarias para cumprir as súas



previsións e, en particular, para garantir a seguridade e integridade dos datos persoais e dos dereitos dixitais e, a súa protección fronte alteracións, perdas, tratamentos ou accesos non autorizados.

Serán de aplicación todos os dereitos e obrigas derivados da normativa aplicable en materia de protección de datos e garantía dos dereitos dixitais.

DÉCIMO PRIMEIRA.- Administración dixital

As partes asinantes deste convenio respectarán cantas esixencias establece a Lei 4/2019, do 17 de xullo, de administración dixital de Galicia (DOG 26 de xullo de 2019), que será aplicable ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral do sector público autonómico de Galicia, pola Administración xeral e polas entidades instrumentais e, tamén, será aplicable á cidadanía que ten o deber de utilizar os servizos públicos dixitais que se poñan a súa disposición de xeito adecuado, co respecto das normas de uso, xerais ou específicas, que se establezan para cada un dos servizos e, en particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e respectar a normativa en materia de protección de datos de carácter persoal (artigos 2 a) e b) e 7 apartados 1 e 2 respectivamente da citada lei).

DÉCIMO SEGUNDA.- Xurisdición

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións.

Será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestións litixiosas que poidan suscitarse como consecuencia del.

DÉCIMO TERCEIRA.- Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados



das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

DÉCIMO CUARTA.- Vixencia

O período de vixencia deste convenio será dende a súa sinatura e ata o 31 de decembro de 2025, sen prexuízo de que se subvencionen as actividades realizadas dende o 1 de xaneiro de 2025.

DÉCIMO CUARTA.- POSIBILIDADE DE DESISTENZA DO CONVENIO

A Administración da Comunidade Autónoma poderá desistir da tramitación deste convenio.

Ao estaren as dúas partes conformes co pactado, asinan telematicamente este convenio.

O conselleiro de Cultura, Lingua e Xuventude	A presidenta de Contemporánea - Asociación de Galerías de Arte Contemporánea de Galicia
--	---

José Carlos López Campos

María Luisa Pita Díaz

